



## **KENYATAAN/SIARAN AKHBAR**

### **PROMOSI KOLEKSI TUMBUHAN UBATAN**

Putrajaya – Taman Botani Putrajaya menawarkan peluang istimewa kepada peminat aktiviti perkebunan untuk membeli tumbuhan ubatan dengan hanya RM3.00 satu polibag mulai 29 hingga 31 Januari 2010.

Program *Botani Plant Sale* akan menawarkan pokok spesies tumbuhan ubatan seperti Naga Buana, Hempedu Bumi, Cekur, Lidah Buaya, Misai Kucing dan banyak lagi menerusi jualan selama 3 hari dari jam 9.00 pagi hingga 6.00 petang bertempat di Gazebo, Tapak Letak Kereta, Taman Botani, Presint 1, Putrajaya.

Selain daripada jualan, pegawai-pegawai pertanian PPj akan juga memberi khidmat nasihat dan informasi botanikal berhubung teknik penanaman dan penjagaan tumbuhan ubatan serta peranan dan kegunaan tumbuhan ubatan dalam kehidupan seharian kita.

Program Agro Bazaar merupakan program yang disertai oleh pengusaha-pengusaha nurseri yang berpeluang mempromosi produk mereka di Taman Botani Putrajaya 4 kali setahun. Program seterusnya akan diadakan pada bulan April nanti.

Untuk keterangan lanjut, sila hubungi Taman Botani Putrajaya di talian 03-8887 7770 atau layari laman web [www.ppj.gov.my](http://www.ppj.gov.my)



**( ZAHARAH SALAMAT )**  
**Timbalan Pengarah Kanan Perhubungan Awam**  
b.p. Presiden Perbadanan Putrajaya

Tarikh: 27 Januari 2010

---

Disediakan oleh Bahagian Perhubungan Awam untuk PERBADANAN PUTRAJAYA  
- Tel: 03-8887 7033 Faks: 03-8887 5013